



Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

§. 3. De ejusdem necessitate.

urn:nbn:de:hbz:466:1-10805

signum nostræ subjectionis aliquod sensibile offerimus, ad significandum per rem sensibilem oblatam sacrificium internum, quo anima se offers Deo, sicut principio sue creationis, & sicut fini sue beatificationis. Hoc autem nec ipse Deus per absolutam suam potentiam effere potest, ut alicui creature conveneriat. Tertiò ex ipsa consecratione, quâ panis & vinum in corpus & sanguinem Christi transubstantiantur, manentibus accidentibus sine subiecto. Est autem haec actio omnino supernaturalis, quæ nullo modo pendere potest ab aliqua potentia creata tanquam à causa principalí, quia solus Deus efficit transubstantiationem. Quartò ex valore ipsius Sacrificii, qui est infinitus, sicut merita & passio Christi, ac proinde æquè placet Deo, ac mors ejus in Cruce, licet effectus finitus sit. Quintò ex fine propter quem, cæteris omnibus abolitis, institutum fuit, ut nimis per ipsum Deo creatori nostro cultum latræ tribuamus, nostramque servitutem & subjectionem humillimè restificemur: ut dignas ei gratias perpetuò agamus pro universis beneficiis ejus: ad auxilia divinæ gratiæ, ejusque protectionis, excitacionis & directionis impetranda: ad obtinendam peccatorum veniam: ad iram Dei placandam, & imminentia flagella avertenda, ad succurrendum omnium vivorum & defunctorum necessitatibus, quæ sunt pene infinitæ. Porro ex his clarissimè constat, nullam posse majorem in hac vita, aut præstabiliorum actionem à mortalibus exerceri, quam offere Deo hoc sacrificium. Ideo nullus seu Rex seu Pontifex esset, qui Sacerdotem celebrantem quacumque ex causa accerere, cœptumque sacrificium interrumpere auderet. Quia vero Sacerdos hoc sacrificium peragit in persona Christi, ita se gerere debet, nè quid in ipso sit quod Christi personam dedebeat: sicut legatus Regis personam sustinens summo pericolo caver, ne quid indecorum, & suo munere indignum committat.

§. III.

De eiusdem necessitate.

DEbet Sacerdos solicite considerare, quam sit necessarium hoc Sacrificium, quo summo pericolo indigent & qui sunt in hoc mundo & qui in purgatorio, hi ut citius liberentur, & ad perennem felicitatem perveniant: illi ut continuis Dei praesidiis adjuventur. Ad ipsum

enim spectat, tanquam ad legatum totius orbis, omnium petitiones ad Deum ferre, omnium necessitates spirituales & corporales eidem exponere, & singulis obtainere quod singulis proficit ad salutem. Sunt autem necessitates spirituales primùm peccata, quibus plenissima sunt omnia regna mundi in quovis ferè hominum statu & conditione. Deinde sunt tentationes internæ & exterñæ à corrupta natura, à sensibus & membris, ab extrinsecis objectis rerum & personarum, à volubilitate liberi arbitrii, à dæmonibus oriri solitæ, exæque innumeræ & supererat difficiles. Sunt denique occasiones extrinsecæ malorum ad peccata allicientes domi & foris, & hinc perpetua pericula æternæ damnationis. Necessitates corporales sunt etiam innumerabiles, quibus omnes vel premuntur, vel sunt obnoxii: morbi vide-licet, bella, persecutions, lites injustæ, ini- micitiæ, odia, calumniae, contumeliae, paupertas, mendicitas, amissiones bonorum, exilia, carceres, infidæ, dolis, fraudes, pugnæ civiles & domesticæ, jurgia, detractiones, & multiplices injuriæ dominorum, servorum, vi- norum, æqualium, quæ passim inferri solent manifestè vel occultè. Sunt igitur in magna necessitate Catholici male viventes, qui peccati mortalis nexibus irretiti computrescant in fæci- bus suis, omnes quoque infideles, Hæretici, Schismati, Judæi, Pagani, & Turcæ, qui veri Dei cognitione carentes in tenebris vivunt: neque hi omnes à statu adeo infelici naturæ vi- ribus emergere possunt, nisi respiciens desuper Pater misericordiarum potenti virtute eos exci- tet & præveniat. Justi item tepidi, & imperfecti & alii etiam ferventes, quibus continuum immi- net periculum cadendi in peccatum mortale & gratiam divinam amittendi, cum sit tanta de pra- vata naturæ fragilitas, tanta carnis rebellio, tanta dæmonis rabies, tanta vis pravorum ha- bituum, tanta mundi corruptela. Sunt & alii sine numero supra scriptis calamitatibus pressi: Quidam enim ope divinâ indigent ad aliquam tentationem superandam, alii ad aliquam virtu- tem acquirendam, sive ad aliquem actum su- pernatualem eliciendum. Quidam in mari sunt, alii in via non satis tuta. Hic vexatur inimicitiis, ille calumniam patitur: nonnulli paupertate, alii morbis, scrupulis, litibus, ære alieno, aliisque calamitatibus affliguntur. Multi sunt in pe- riculo mortis constituti, à qua pendet æternitas, quos modo prorsus inexplicabili torquent & cruciant.



cruciant peccata commissa, bona omissa, temporalia quæ relinquent, æterna ad quæ properant. Gravissimam denique necessitatem patiuntur animæ defunctorum in carcere Purgatorii detentæ, quarum tota spes in suffragiis nostris sita est, cum ipsæ prò se nec satisfacere, nec quidquam possint impetrare. Horum omnium infinita multitudo supplices manus extendit ad Sacerdotem misericordi ejulatu clamans & deprecans, ut partem aliquam divini auxilii singulis impetrat, porrectis in Missa supplicibus eorum libellis, quos seriò & ferventer, magnoque affectu æterno Patri commendare deber. Turpe enim esset, in conspectu tantæ majestatis distractione vel hastatione insultam reddere legationem, & tanti ponderis negotiâ frigide ac perfusoriè pertractare.

§. IV.

Quæ reverentia celebrandum sit.

DUplex est reverentia, interna & externa. Interna in timore & tremore, in humilitate & compunctione cordis consistit. Ad externam pertinent totius hominis compositio & gravitas, omniumque cæmeriarum ac praescriptorum rituum observantia. Quanta verò cura adhibenda sit, ut hoc augustinum Sacrificium omni veneratione ac reverentia celebretur, facile intelliger. Sacerdos, si ex una parte consideraverit, nullum opus sanctius ac divinus à Christi cultoribus tractari posse, quām hoc ipsum tremendum mysterium: ex altera verò perpendat, maledictum vocari in sacris Litteris, qui facit opus Dei negligenter. Quod si Regem alloquuturus magno metu stat coram illo, nec audet oculos ab eo divertere: quanto majori trepidatione, humilitate, ac sollicitudine, in conspectu divinæ majestatis astare oportet, totâ mente in ipsum Deum intentâ, qui non solum externum aspergit, sed intima etiam animi penetralia intuetur? Quid turpis & peccatum dignius, quām quod peccator Sacro Altari irreverenter assistat, ubi Sancti metuunt, pavent Angeli, tremunt Potestates, & supremi Spiritus faciem suam velant prævereundia & confusione? accedit nox ad lucem, infirmus ad Omnipotentem, servus ad Dominum, creatura ad Creatorem, & non formidat, non contremiscit? Proderit etiam ad excitandum reverentia affectum consideratio gaudii, quod S. Trinitas & omnes Cælites ex devota & reverenti Missæ celebratione pércipiunt: tum quia id Sa-

cificium testamenti loco à Christo relictum est, in pignus amoris, quo suos in finem dilexit: tum quia est mortis illius commemoratio, quā intercedente peccata nostra deleta sunt, homines redempti, Sancti salvi, & nos, qui vivimus, innumeris beneficiis cumulumur. Cavendum ergo, ne quid sacrificans admittat, quod istam minuat lætitiam Dei & Sanctorum, quæ ex hujus Sacrificii suavitissimo odore promanat. Ad eandem denique reverentiam comparandam debet Sacerdos soliter præmeditari, quām sapienter & exactè S. Ecclesia divinitus edocta totius Sacrificii ordinem, modum, & apparatum præscriperit & instituerit. Nam primò culpas veniam precando confitetur: tum Deum laudat & adorat, eique de acceptis beneficiis gratias agit: opem divinam sibi & aliis implorat, nec ullum officii genus prætermittit, quod possum mortales sancte cum Deo exercere. Jungit autem cum his externam conformationem, habitumque corporis maximè decentem & religiosum, vel stat vel flectit genua, aperto semper capite, manibus modo junctis, modo protensis, & in celum sublati, quæ omnia aptissima sunt ad reverentiam in ipso celebrante & in astantibus conciliandum. Nec quocunque modo, sed præstantissimo Deum alloquitur: secretò enim loquitur & veluti ad aurem, sicut amicus cum amico. Loquitur non suo sed totius Ecclesiae nomine, & à Deo auditur, tanquam gerens personam publicam, nullâ habità sui ratione, sive bonus, sive malus sit. Loquitur in publica celebitate coram universa Cæli curia, & hominibus qui adstant: atquè id est in solemnni confessione, quæ Missæ præmittitur, & sanctos & populum appellat; & in Prefatione Deum precatur, ut voces suas cum Angelorum vocibus admitti jubeat. Loquitur cum Christo Domino, qui in Sacramento præsens est, ejusque preces simul cum ipso æterno Patri præsentat. Verba tandem, quæ loquitur, non ipse suo ingenio composuit; sed vel à Christo tradita sunt, vel in Sacris Litteris à Spiritu Sancto dictata, vel Sanctorum Patrum & Conciliorum auctoritate approbata: quare nihil proferre potest, quod non sit Deo gratissimum, & summè acceptum. Totis itaque viribus conari debet, ut tam sanctum ministerium quām maximâ fieri potest reverentia & sanctitate exequatur: & depositis terræ sordibus, Angelicâ puritate elucescat.

A a.

§. V.